

- 6.6 Ikerlana entregatzeko azken epea betetzen ez bada, justifikazio edo gainditu ezinezko arrazoirik gabe, penalizatu ahal izango da. Epaimahaiak erabakiko du emandako arrazoiak nahikoak diren ala ez. Bekaren %8ko murrizketa egin ahal izango da, hil bakoitzeko atzerapenagatik.
- 6.7 Lanaren luzerak 100 eta 300 orrialde artekoa izan beharko du, orrialdeko 30 lerroz eta lerroko 60 idazki zeinuz, grafikoak, argazkiak eta antzekoak dituzten orrialdeen kasuan izan ezik. Testua ez den elementu oro orrialdeetan zehar edo tokirik ez balego lanaren bukaeran, eranskin gisa, txertatuko da. Era horretako elementu bakoitzak behean bere azalpentxoak izan beharko du. Edozein kasutan, lanak gutxienez testuko 100 orrialderen baliokidea izan behar du. Eranskinetako orrialdeak ez dira kontutan hartuko puntu honetan zehaztutako gutxienekoak betetzeko.
- 6.8 Egileak 30 lerro inguruko laburpena eta edukiaren berri ematen duten deskribatzaileak erantsiko ditu euskaraz gain, gaztelera, frantsesez eta ingelesez.
- 6.9 Egileak bekarako lana bukatutakoan, jendaurrean aurkeztu beharko du, horretarako Eibarko Udala, UEU eta lanaren egilearen artean eguna eta ordua adostuta

7. ORDAINKETAK

Ordainketa modu honetan egingo da, izapide administratiiboak burutu ondoren:

- Kopuru osoaren %40a, beka ematen den une berean, aurreordainketa moduan.
- Kopuru osoaren %40a, beka ematen zaionetik sei hilabetera, horretarako egindako lanaren eta egingo duenaren azalpen-txostena aurkeztu beharko duelarik, 6.2. oinarriaren arabera.
- Gainontzeko %20a, bekaren bukaeran, lana aurkeztu ondoren.

Lana amaituko ez balitz, bekadunak jasotako diru guztia itzuli beharko lioke udalari. Ikerlanak sor ditzakeen gastuak bekadunaren kontura joango dira.

8. LANEN JABETZA

Lanen jabea Eibarko Udala izango da. Udalak berarentzat gordetzen du ikerketak osoki edo/eta partzialki erreproduzitu, argitaratu eta plazaratzeko eskubidea, bere kabuz edo beste erakunderen baten hitzarmenez, lehentasunez Udako Euskal Unibertsitatearekin, egoki deritzonenean. Beti ere, lanaren egilea edo egileak aipatu beharko ditu.

Sortutako materiala aurkeztu eta urte biko epean Udalak argitaratu ez badu, egileak edo egileek material hori erabili ahal izango du (te) egokien iruditzen zaio(e)na egiteko. Egileak edo egileek orduan, jasotako bekaren aipamena egin beharko du (te) (bekaren eta beka eman duen erakundearen eta laguntzailearen izenak jarri) eta Udalari argitaratutako lanaren 20 ale eman beharko dizkio.

9. GORABEHERAK

Eibarko Udalak eta Udako Euskal Unibertsitateak betebeharrak hauetan aurreikusitako gabeko gorabeherak konpondu ahal izango dituzte. Era berean, beka indarririk gabe utzi ahal izango dute, onuradunak betebeharrak hauetako eginbeharrekoak betetzeke lagako balitu(zte).

Deialdi honetan parte hartzeak oinarri hauek onartzea dakar.

EIBARKO UDALA

PEGORA
HERRITARREN ZERBITZURAKO BULEGOA
UNTZAGA PLAZA Z/G
20600 EIBAR (GIPUZKOA)
TEL. 943 708 400

PORTALEA
KULTURA ETXEA
BISTA EDER, 10
20600 EIBAR (GIPUZKOA)
TEL. 943 708 435 FAX. 943 708 436
euskera.ei@eibar.net

VIII. JUAN SAN MARTIN BEKA 2008

Artea
Mendizaletasuna




Irailaren 1etik urriaren 10era



VIII. JUAN SAN MARTIN BEKA 2008

Ikerketa esparruak:

Artea - Mendizaletasuna



Eibarko Udalak, Udako Euskal Unibertsitatearen laguntzarekin, euskarazko ikerketa sustatzeko eta Juan San Martín eibartar euskalari eta ikertzailea omentzeko, honen izena duen ikerketa-bekarako deia egiten du.

Ikerketa esparruak Juan San Martinek bere bizitzan zehar landutako honako hauek dira:

- *Antropologia, linguistika, filologia, toponimia, filosofia, literatura, botanika, artea, historia, kazetaritza, etnologia, mendizaletasuna eta zuzenbidea.*
- *2008ko deialdian, honako ikerketa esparruak sartuko dira: ARTEA eta MENDIZALETASUNA.*

Eskatzaileak aurkeztutako dokumentazioa osatu gabe dagoela edo oinarri haue-tan eskatutako baldintzak ez dituela betetzen ikusiz gero, hamar eguneko epean konpondu edo beharrezko agiriak ekar ditzala eskatuko zaio interesatuari. Bide batez, hala egingo ez balu eskaeran atzera egin duela ulertuko dela jakinaraziko zaio, Herri Administrazioen Araubide Juridikoaren eta Administrazio Prozedura Erkidearen 30/1992 Legeko 71.1 artikuluan aurrikusitakoaren arabera.

5. ESLEIPEN PROZEDURA

Beka hau Eibarko Alkateak esleituko du, azaroaren erdi aldera, epaimahaiaren proposamena jaso ondoren.

Proposamen hori epaimahaiak epaitutako merezimendu lehiaketa baten emaitza oinarritzat hartuta egingo da.

Erabakia aurkeztu diren guztiei jakinaraziko zaie.

1. BEKAREN EZAUGARRIAK

- 1.1 Proiektua, azterlana eta memoria euskaraz burutuko dira.
- 1.2 Bekaren iraupena gehienez 12 hilabetekoa izango da, beka esleitzen den egunetik hasita.
- 1.3 Beka honen diru zenbatekoa 9.000 eurokoa izango da.
- 1.4 Ikerketa-lanak originala eta argitaratu gabea izan behar du.

2. ESKATZAILEAK

- 2.1 Beka norbanakoez nahiz horretarako osatutako lantaldeek jaso ahal izango dute. Bigarren kasu horretan, ikerlanaren zuzendari arduradun bat izendatu beharko da.
- 2.2 Beka jaso ahal izateko ezinbestekoa da diplomata, maila horretako tituluduna edo goi mailako tituluduna izatea. Taldeen kasuan, gutxienez erdiak bete beharko du baldintza hori.
- 2.3 Eskatzaileak bere euskarako gaitasuna frogatu beharko du EGA edo baliokide den titulu edo diploma bidez. Lantaldeen kasuan berdin, partaide guztiek frogatu beharko dute aipatutako gaitasuna.

3. ESKABIDEETARAKO ARAUAK

Interesatuak eskaria egiteko eskabide-orria PEGORA, Herritarren Zerbitzurako Bulegoan (Untzaga plaza, 1) eskuratu behar dute eta epe barruan bertan aurkeztu, behar den bezala beteta eta ondorengo agiri hauekin batera:

- 3.1 Espediente akademiko zehaztua eta osatua. Lantaldeen kasuan partaide guztienak.
- 3.2 Udalak eta Udako Euskal Unibertsitateak prestatutako eskabide-orriaren arabera, curriculum vitæa, titulazioa eta merituen egiaztagiriak. Lantaldeen kasuan, partaide guztienak.
- 3.3 Gaiaren azalpena eta lana zelán burutuko litzatekeen azaltzen duen proiektua, ahalik eta zehatzena (15 orrialdekoko gehienez), ondokoak azalduz:
 - Lanaren ikerketa esparrua.
 - Aurrekariak eta gaiaren gaur egungo egoera.
 - Ikertzailearen edo taldearen aurreko esperientzia.
 - Helburuak.
 - Materialak, baliabideak eta lan metodologia.
 - Lana garatzeko kronograma.
 - Aurreikusitako emaitzak eta horien interesa.
 - Bestelako finantzabideak, baldin eta baleude.
- 3.4 Eskatzaileen nortasun agiriaren fotokopia bat.

4. DOKUMENTAZIOA AURKEZTEKO LEKUA ETA EPEA

Dokumentazioa Eibarko udaletxeko Pegoran (Herritarren Zerbitzurako Bulegoa) aurkeztu behar da.

Eskaerak eta gaimontzeko agiriak aurkezteko epea 2008ko irailaren 1etik urriaren 10era arte egingo da zabalik, biak barne.

Honako hauek osatuko dute epaimahaia:

- Batzordeburua:
 - Alkatea edo berak delegatutako udalkidea.
- Batzordekideak:
 - Euskara eta Kulturaburua.
 - Juan San Martín jaunak edo familiak izendatutako ordezkaria.
 - Aurkeztutako proiektuen esparru bakoitzeko UEUko ordezkari 2.
- Idazkaria: -Euskara Teknikaria.

Horiez gain, epaimahaiak hala erabakiko balu, aurkeztutako gaien inguruko pertsona adituen laguntza eta aholkularitza eska dezake epaimahaiak.

Eskatzaileek aurkeztutako dokumentazioa aztertu ondoren, epaimahaiak informazio osagarria eskatu dezake edo/eta hautagai batzuk proiektua defendatzera dei ditzake.

Honako alderdi hauek hartuko dira aukeraketarako irizpide nagusitzat:

- Eskatzaileen espediente akademiko eta bere curriculum (0-10 puntu).
- Ikerketa proiektuaren interesa, zuzentasun eta balio zientifikoa, originaltasuna eta bideragarritasuna (0-30 puntu).
- Eibarko Udal Artxiboaren edo/eta Udako Euskal Unibertsitateak Eibarko Markeskoan duen fondoan erabilpena dakarren gaia izatea edo/eta Eibarrekin harreman zuzena duena izatea. (0-10 puntu).

Puntuaketa:

- Eskatzailearen puntuazioa, epaimahaiakide bakoitzaren puntuak gehitu eta batez bestekoa izango da. Epaimahaiakide guztiek dute hitzegiteko eta puntuazioa jartzeko eskubidea.
- Puntu gehien duenari esleituko zaio beka eta horrek hartuko ez balu, hurrengoari proposatuko zaio. Hala ere, epaimahaiak bekarik ez emateko proposamena egin dezake, lanen kalitatea nahikoa ez dela uste badu.

6. BEKADUNEN BETEBEHARRAK

- 6.1 Bekaren onarpena adieraztea eta sinatzea emakida jakinarazi eta 10 eguneko epean.
- 6.2 Lanaren garapenari buruz (egindakoa eta egiteko dagoena), aurkeztutako proiektuaren araberrako txosten bat bidaltzea bekaren lehen sei hilabeteak igarotakoan.
- 6.3 Eibarko Udalaren eta Udako Euskal Unibertsitatearen esku egotea egindako lanen ohar, zirriborro, aurrerapen eta emaitzak.
- 6.4 Aurreikusitako planaren edo ikertaldearen osaketaren aldaketan berri ematea. Halakorik ezingo da egin Eibarko Udalaren eta Udako Euskal Unibertsitatearen baimenik gabe.
- 6.5 Bekaren amaieran memoria (ikerlanaren beraren azken erredakzioa) aurkeztu. Lan horren hiru ale entregatuko dira, tarte bikoitzez mekanografiaturik, koerlatiboki orrialdezkatua eta koadernaturik, baita euskarri informatikoan ere, Microsoft Word 2000 programan edo horrekin bateragarria den formatoan.